

讀白華草堂詩集



977585

讀白華草



堂詩集

堂詩集

讀白華草

讀白華草堂詩集叙

黃子香鐵試禮部嘗戒詩專科舉學不自得以詩釋其
戒詩愈昌會亮聞而笑曰士專於所好有迴萬牛入九
軍而不顧者况區區科第一得失之間哉古人好詩者
或中夜發狂大叫白晝行不見官長至以伯主之威求
改其一字不可得此非有聲色臭味可尋逐而好之至
甚於酒色聲利是烏知其所以然哉徐無鬼見魏武侯
告以相狗馬耳武侯大說竊笑女商不知也徐無鬼曰
久矣夫莫以真人之言警於吾君之側也夫吾以是知
物之可好於天下者莫如真也人之境百不同也境同

讀白華草堂詩序

而性情不同則其詩合境而從心心同而才力不同則
其詩隱心而呈才境不同而詩為其徵象此古
人之真也境不同而詩同焉是天下人之詩非
吾詩也天下人人得為之詩而吾代為之烏乎真人情
之愛人必不如其自愛也吾為不知誰何之人作之
曰吾甚愛之愛烏乎至今情子之詩述家人離會燕喜
之情朋友契濶賓婚相勞苦勞身世極生計憂艱耳目
所近接忠義疾苦可驚歎商事亦時有物色慢戲綺
麗之作涉篇什亦不至於浮放適乎境而不夸稱乎情
而不歎審乎才而不剽竊漫行放乎其真適足而止此

則黃子之詩非天下人之詩也可以言真矣真如是宜
乎其能好矣稱觴貴人之堂美言洋洋錦屏高張而讀
者神不偈來也童牧之歌商旅里巷之諺一曙得之童
至耄而習之吾以是知物之可好於天下者莫如真也
物之真者吾猶好之况吾之自有者乎吾之毛髮枝節
吾猶愛之况出於吾之心腹腎腸者乎不然泛泛然天
下人之詩也吾日爲之而不知誰爲之曰吾甚愛之僞
耶名耶惑耶道光十四年甲午七月七日上元梅曾亮
序

讀白華草堂詩集敘

作造爲也人於所聞見未經思議莫及者作曰天作造曰天造孟子善言天曰莫之爲而爲是矣古文爲與僞通謂爲之盡乎人也僞則不情不情無物無物而有爲也而有言也君子謂之志奚翅乎詩童子時嘗與花隱老人言詩詩之言承承乎天也詩之言持持有我也不知天不可與言詩不知有我亦不可與言詩秦漢以前兒童婦女人人能詩而不解詩之爲詩才人學士人人讀詩而及其微引以申己意則又若人人未嘗讀詩故詩之亡自解詩者亡之也詩亡然後強解強讀強作

讀白華草堂詩

序

三

意造句以自附於詩人之目者塞天下僞僞相仍紛今裂古而又自耻其聞見之陋思議之卑以爲不若古人之讀破萬卷迹徧天下也吾不知三百篇中鬥草之童贈芍之女曾若所云否也鎮平穀生黃君世莫知其志之所承與其所持而稱其能文與詩者徧海內且數十年君顧莫測其名所自起私意竊不屑居每與人言晦之唯恐不至矣初見君宜黃黃樹齋先生席上志意如伏虎精健如神俊濬深其息鬱黜其光席上客多抗論橫言而君目熒熒左右注探栳接吸若留侯初遇圯上老人疆忍從容終席不可否一語余退而詢諸他客率

曰詩人詩人靈山梁蓼圃熟君久稱君詩新意奇情有
未經人聞見思議者而偶於端木宦田處得數章翫之
則於蓼圃所稱猶多未盡君蓋非專於詩者也古來唯
不專詩詩乃神凡物情之陰變陽化人事之詘暑信寒
沙積豪分莫不曠備而後風怨雲思花機石紐忽焉有
觸則同一耳目所及而喜者見喜悲者見悲其詩之變
化詘伸亦沙積毫分於志之所窮畢肖其真而不容少
偽今讀君初集詩凡七百七十三首而不專乃神爲益
仰雖狀詩之品題高下唯專於詩者能知之猶夫人之
可用與其用之所極唯深於用人者知之余不知詩不

讀曰葦草堂詩

序

四

知詩之盡乎人者也不知詩而言詩言詩之純乎天者
也君之詩有若雷聲殷殷狀有若快雨點蕉狀有若九
鐘鳴霜狀有若獨鳥呼春萬花齊落狀有若忠臣烈士
征夫怨女歌哭於一庭旁觀兒童婦婢爲之色喜色怒
狀於乎其莫之爲而爲之者與而豈僞與不狀盡乎人
者比比而余或未之見與抑於君性情有偏契而聲之
洋洋善人與夫以余交君曰淺而敬異愛慕君有過尋
常若是是亦云也莫之爲而爲者也非僞也道光乙未
夏五九日挑燈烏程凌堃敘畢好雨徐來時蓋曠乾五
十有餘日云

讀白華草堂詩集序

余性癖於詩無所師承而冥心探悟者十年似有得然未敢自信也嘉慶庚申秋識陽湖張琦翰風於白門張君曰吾子高才絕學而溫柔敦厚如是是必深於詩因相與爲深言出舊草二千首屬張君張君爲刪定存什一二曰後人讀之而深求其義足以達政專對已何必多余自此遂輟韻語道光乙未春因烏程凌塋厚堂識鎮平黃君香鐵於都下黃君詩名滿宇內示以刻行之九卷而屬爲序黃君詩刻行已十餘年載筆通儒欲得序其集者甚夥顧以命余媿不克當也讀其詩少作已成體勢節奏轉換緩而不弛和而不滑庶幾有德之言壯歲漸變而道上緩仍舊而和若少遜者然新意時出真吾迥然見矣袁酒劇談常至中夜笙磬之同自晤張君後閱春秋卅有六未有若吾黃君者也夫推極詩道所致其單微幽渺可以奪造物之權變人心之度使寒燠不能操其舒慘哀樂不能主其欣感斯固作者偶得之而不自知讀者心領而無以言狀者也至於念衣做則知愛狀車聲則知敬刺嬖倖則盛陳筭絨哀疏遠則脩揄倩盼是則體之不可不明者也或無端轟起万類驚心或文外旁情一縷彌布或羣流迸赴而束以一岐

或一源下注而散爲衆派或崖勒奔馬或梁繞泛聲是
又勢之不可不明者也爲境萬殊用法一貫論志者感
其微言行遠者修其盡飾窮原竟委吾無以測黃君藝
之所至矣余往來吳越間久所見工詩者有吳江趙函
良甫長洲蔣志凝澹懷然皆未嘗與論其得失之故殆
於失人於今悔之異日黃君或遇二君出此相示當有
雅契且藉以補吾過也道光十有五年歲次乙未仲夏
月六日白門倦遊閣外史安吳包世臣

讀白華草堂詩集序

西江郭舍人羽可老詩人也嘗爲湘南言嶺南黃君香鐵云甲午秋君偕廉訪楊公來梁湘南知之末由見明年廉訪延湘南入署課諸公子而君已入都因從廉訪問君詩廉訪曰香鐵非第其爲詩也其爲人質直好義不事苟且行羅今古正變於胸議論不隨不激如不欲以才人見者其詩之工抑末也湘南以是益慕君之爲人思一見惟恐不獲而君已先因羽可知湘南其思湘南也一如湘南之思君是秋湘南領鄉薦出君同鄉庶子龍先生之門龍先生事竣還京君走問聞有湘南名讀曰華草堂詩

序

七

則喜福建張亨輔江西吳嘉賓安徽江開湖南何紹基皆以詩古文詞名於世皆獲雋君聞則益喜揚言曰今科得人爲最盛也蓋君之好善肫摯如此湘南抵都與君見甚歡讀君近作共飲羽可所謂羽可曰香鐵不第其爲人也其爲詩運才入史逐景取情樹骨杜韓之庭闢徑蘇黃之介於當代時事三致意焉而不隨不激不事苟且一如君之爲人吾黨中一大宗也香鐵不第其爲人也羽可曰君言信然洵爲知香鐵者雖然詩可以觀千載後有讀其詩者仍將溯其人而曰香鐵非第其爲詩也固始蔣湘南

讀白華草堂詩初集總目

第一卷 已巳至甲戌

古今體詩七十九首

第二卷 乙亥至丙子

古今體詩七十四首

第三卷 丁丑

古今體詩七十五首

第四卷 戊寅

古今體詩九十首

第五卷 已卯

古今體詩八十三首

讀白華草堂詩 目錄

第六卷 庚辰

古今體詩一百三十五首

第七卷 辛巳

古今體詩八十六首

第八卷 壬午

古今體詩五十二首

第九卷 補鈔

古今體詩八十五首

讀白華草堂詩初集卷之一 巳巳至甲戌

鎮平 黃 釗

京口

金焦到眼停登臨，煙裏疎鐘響易沈。
客子情懷中酒放，美人消息大江深。
雲泥浪跡鴻雷爪，風露清秋鶴警心。
擬向蒼厓吹鐵笛，醉歌一和水龍吟。

燕子磯望金陵

廢壘空，朱雀寒沙，但白鷗蒼茫。
六朝盡，日夜大江流，有客來京口。
看山到石頭，興亡無限意，自古帝王州。

吳宮

讀白華草堂詩

初集卷一

響屨廊虛碧蘚侵，春風猶憶翠華臨。
誰憐痛哭雙懸眼，無那含顰一捧心。
麋鹿臺空池沼出，鷓鴣官冷舞歌沈。
夕陽祇有閒花草，畱作叢殘故址尋。

過黃鸝坊舊宅

雛燕天桃記不清，黃鸝坊畔小書生。
十年重問兒時路，猶有隣翁喚乳名。

莫愁湖

未必無愁但莫愁，白門楊柳劇殘秋。
莫愁粧罷臨湖望，終古無愁是石頭。

早發漁溝



不待晨雞唱征夫已夙興馬蹄裹寒鐵人面裂春冰
柝警嚴霜泣鳥啼缺月升天明催早食雙眼尙曹騰

樓桑村

樓桑重葢童童起小兒羨作漢天子檀溪十丈的盧飛
使君却羨牧牛兒丈夫豎子成兩可髀肉之歎乃真我
惟時國賊獨有操讖語竟符當塗高東周王室同弁髦
中山帝胄但結楚南陽種桑八百樹抱膝隆中寄遐慕
龍蛇戰鬥角一時魚水君臣動三顧煮梅亭下論英雄
當年溷跡種菜傭艱難王業何時定論霸方慙五尺童

發米家莊

讀白華草堂詩

初集卷一

二

經旬不雨老農歎大麥將枯小麥乾馬上征塵衣上汗
午風吹過四枝蘭

地各

懷臧在東

庸

抗節齊顏蠋窮經漢伏生苦心攻訓詁重幣得公卿人
且疑衰病天猶忌盛名近聞長閉戶躑躅繞階行

時臧病足

盧龍九日和韻

古戍雄三輔孤城倚嶂開邊聲先雁到海色逐雲來薇
蕨荒山澗菜萸負酒杯相憐浣花客幕府重徘徊

時寇學使

留始通政吳公幕

盧龍雜詠

自將肝膽問吳鉤，年少何因有旅愁。
怕聽廬兒彈出塞，寒烟衰艸薊門秋。

快馬瑠弓亦健兒，封侯骨相本來奇。
只今邊徼無烽火，虎石空傳李廣祠。

灤河如帶繞城來，鼓角嚴關四扇開。
曾見殘兵哭遼水，不堪回首望鄉臺。

連天白草接龍庭，山海遙分兩點青。
漢塞秦關歸一統，漫誇餘事說松亭。

宋史劉敞事松亭卽今喜峯日

黃沙千里戰場閒，蕭颯平原獵騎還。
日暮炊煙散城郭，紛紛殘葉下紅山。

紅山在府城東北

讀白華草堂詩

初集卷一

哭伍雲兄

三

痛哭年時負友于，眼前白草渺黃墟。
早聞病似垂頭鶴，遽報魂依反哺烏。

兄以痛母哀毀致疾

死後新詩聽鬼唱，生前綺

夢倩人扶，可眞雁蕩天台去。
手種青松十萬株。

聞計前一月夢

兄遊天台雁岩歸示余種樹詩長篇末署天馬山樵作醒後不復記憶

呈宋芷灣先生

嶺表一峯尊星辰，引手捫斷鼇懸地。
脉徂鳳下天門，元

氣雷詩卷奇懷塞酒尊，鴻文沂流派萬里落昆侖。

爲有青蓮筆天教入蜀遊，雨雲巫峽暗巖狖。
棧門秋險

道千盤馬歸裝一敝裘，會須訪藥籠雪浪下金牛。

又向滇黔出吟鞭緩遣歸蓬蒿仍滿徑桃李已成圍閉
戶空今古名山定是非浣花溪上老來往夢相依
不解耽吟苦還憐說士甘聞雞催起舞捫蝨向高談星
斗筵前落關河夢裏諳鄉情一何厚剪燭話天南

楊孝子詩

寒帷背風夜然燭床頭老母病索粥粥香入口病頓輕
已落孤兒一寸肉兒身有肉母所遺母甘兒肉母未知
神示攢眉鬼號哭咄哉孝子楊家兒楊家兒年將四十
自言少賤爲人役一官已死畱孀離萬里送歸營窀穸
只如此義人已難何況至誠天可格當時母病兒在傍
讀白華草堂詩
初集卷一
四

醫來俱說成膏盲徘徊涕淚心徬徨三官廟前擲杯琰
願神許我母壽長神不許我兒絕望中庭無人夜拜斗
當天祝罷潛歸房霜刀一落血花濺臂肉熱處心清涼
我逢孝子遊衡湘七尺之軀真堂堂炎天烈日汗着內
袒臂尙露刀痕創吁嗟乎鐘鳴鼎食徒爲爾眼中何人
識孝子

蟻磯夫人祠

江畔靈均不可尋那堪靈澤望江潯銷魂水調蒼梧引
攪夢濤聲白帝砧聞道蜀鵲皆怨魄豈知精衛亦冤禽
寒潮落日祠門暗回首東吳恨轉深

夏雨兼旬河水暴漲感作

沿江滾滾轟濤頭鎮日淫霖尙不休捲地又防瓠子決

去歲隄決數十處

漏天重累杞人憂破塘水滿魚苗溢田壠泥

深犢子愁慙媿杜陵思萬厦閉門徒守屋如舟

夜由鉢溪口放舟出長潭

峽仄天開閭崖尖石吐稜佛燈山鬼瞰人語怪鴉鷹樹

黑寒星閃潭昏冷霧凝前村有微火彷彿下魚曾

夜雨齋中翻閱伍雲遺稿感作

生前六尺軀身後一坏土百年且未半何以敵萬古詩

壇縱策動事已稱小補况閱遺藁存十不得四五劒氣

讀白華亭詩

研集卷一

五

出邛隴珠彩闕塵戶破籠得殘紙異寶若片羽轉恨不

愛惜散失難復聚江瑤及荔支

伍雲常自誇其詩如江瑤柱鮮荔支

溷以

酒肉簿

遺稿多從廢簿檢出

平生扶風豪勁氣張強弩有時喜風

懷好女鬥眉嫵俠士與才人兩無定去取可憐偉丈夫

末路如病虎虎死皮尙畱人朽詩肯腐燈闌不忍讀鬼

嘯秋墳雨

秋日偕諸子游九龍潭

仲弟笙調叔弟琴辰姪伯澄季鴻少華

長潭徑口通漁樵緣河而入半里遙山石礮礮徑偏仄

夾澗架以獨木橋昔游龍潭看瀑布十年舊徑重來鈔

山窮谿阻絕無路攀蘿捫葛援危巢同游諸子勇可賈

矯捷有若猿猴趨忽聞谷口風颯颯銀濤亂落青松梢
上有千年之棲鶻下有百歲之飢蛟飛湍一落一千丈
如玉塵散輕煙飄白龍倒挂噴玉沫神女欲下懸鮫綃
倏然迴風捲飛雪亂灑衣帽疑珠跳是時秋氣正蕭刀
江空木落啼山魘珊瑚垂實挂石壁療飢可採充寒庖
年來面目空塵土住近城市憎喧囂山水如此足不到
俗態難免猿鶴嘲深巖久坐日將落徑欲編置三重茅
歸來書齋憶清景耳畔彷彿聆笙匏

夜光木歌

癸酉夏河水驟漲村人沿隄拾竹葦得枯木攜

讀白華草堂詩

初集卷一

六

歸充襲皮膜剝盡根株拳曲入夜輒有光如積
雪然余異之爲作歌

夜光木乃產自陰山斲自冰谷初疑變晝之艸出拘彌
又疑四照之花號迷穀樵蘇拾得置薪舍入夜晶光透
茆屋我思汝水上稟太陰精當其韜晦叢莽曜光厓麓
膏節晶熒枯根熠煜雷火不敢燒脰蛇不敢逐寒宵炯
炯閃驪頷幽燄森森張鬼目將竝照乘珠生煙玉珊瑚
樹十丈雲母屏九曲夜明簾照織成來水精宮伴湘娥
宿太乙仙人取之作藜杖龍宮神女刻之作華燭胡爲
漂流洄沒下長江小兒拉之當濕葦漁人燃之等枯竹

君不見柯亭之箭焦尾桐入爨猶聞老龍哭况爾萬古積雪千年老冰結成夜光水

閔郎抄感作 詠癸酉林清之變

河北妖氛起畿南賊勢猖風聲驚草木星象動機槍此輩魚遊釜羣公鷄在梁如何 聖明世猶未免瘵瘡

不謂承平久優游養患深悚惶十行詔感泣萬方心啓
鑰鉤闔暨麾戈涵羽林重勞 宵旰慮此責果誰任

大尊上劉權之刑尚祖之望禮亦向王詒路修皆致仕

聞說黃扉相同時乞挂冠

君恩最寬大臣道本艱難

入閣參樞畫臨軒策治安連營九節度秉鉞盡登壇

賊據滑縣命那彥成劉清楊遇春等討之

三載東華客緇塵憶素衣祇因戀慈母未忍赴 皇畿

讀白華草堂詩

初集卷一

七

班馬嘶鳴急賓鴻信息稀所親頻問訊風雪叩柴扉

閔居雜詩

老圃經霜後人家洗甕忙摘蔬留菜甲編竹插籬槍暇
日詢鹽價多時說酒香鹽齏摻白臘滋味得新嘗

空口長潭去因過艾子橋秋林看散犢狹路避歸樵水
色措偏淨山容瘦不彫驚心寒景晚木葉落蕭蕭

亦有田園在翻愁作計疎典衣寒士酒乞米故人書未
免羞囊澀何曾助斗儲明年應坐塾差比帶經鋤

井竈安排當幽居絕世情呼童提短綆留客設長檠籬
薄梅花凍醅香竹葉清祇應與朋舊來往訂詩盟

睡久嫌長夜天寒肺病加方書翻本草圓夢爆燈花蕭
局溫留火殘甌冷注茶擁衾還默坐鄰犬吹籬笆
檄驚風鶴封緘託鯉魚無徒訊眠食羣醜望穢除

生計當殘臘陽鳥曝向檐打頭茅屋矮刮面朔風嚴熏
鼠憎童酷偷鷄笑賊廉此心同照覆何事察微纖

水仙

七條絃觸指冷冷湘渚餘哀不可聽一盞寒泉薦香茗
有人供養向疎櫺

幽意惺忪絕可憐夢回清影上屏邊思量解珮煙皋夕

讀自葑苴堂詩

初集卷一

八

酒冷燈昏一黯然

蕭齋

蕭齋琴榻趣翛然靜對瓶梅結淨緣酒興未闌常獨酌
風懷雖減不孤眠貓頭鴨脚堪留客詩鉢花飄學坐禪
比似維摩棲斗室圖將蕉雪向寒天

和東坡歲暮三首

饋歲

丈夫論投贈惟是紵與縞婦人有餽遺惟是榛與棗何
年興饋歲來往互傭媪筠籠繫野雞漆盒盛蠶蠶半收
且半璧毋乃爲俗套腐儒雖云饑面目未枯藁年終得

魚肉轉思菜根好苦憶鄰菴尼來餉春不老

別歲

往作詩餞春怨春畱不住春歸夏秋冬三時景長駐獨
有別歲時美人嘆遲暮有如半寸香將燼不復炷又如
逆旅人一夕遷客寓雖幸迎新春未免泣歧路白日去
堂堂掉頭不回顧誰揮魯陽戈三周華不注

守歲

道人守庚申蒲團獨打坐時人守歲窮煨殘楮火余
生空守株歲行若轉輾晨雞唱未繁爆竹聲已夥我欲
守此歲兒童固不可重門鰥魚閉高閣蟾蜍鎖但見伺
讀白華草堂詩

初集卷一

九

者愚勿笑追者跛相期醉壺樽中庭羅酒果

九日遊長潭自雙門闕入鉢溪口

同遊錦亭伯父
左秋浦師張梅

初表
兄

籃輦舊有約佳節况重九雙門何截業一徑盤蛇走逸
遲度石梁已到鉢溪口尋幽意未倦莽步入林阜攀藤
墮鳥巢掃葉坐石臼深林見血跡飽虎委殘狗悚然心
起畏欲坐不敢久歸途躡石磴出谷遇樵婦林香時醉
人忽忽如中酒

憑闌

棲鴉如落葉點點下寒汀煙雨催將暝兼葭不可聽高

堂雙鬢白客館萬山青如此憑闌望秋愁那易醒

仙人橋三首

鐵索貫鼉脊百丈懸當空盤旋轉腹背其下藏奔洪深
潭悶水府簾洞開幽宮穹然脫軀殼蓄此千蛟龍日光
射不及晦晝森陰風我來捫石壁山雷鳴淙淙石乳所
凝結精液如金銅不知幾千年有此骨髓融何當取昆
吾剝作青芙蓉

山靈醉顏酡帝臺觴流霞至今五色土施煜升朝嘏天
風開洞門蝙蝠騰丹砂撲面覺靈氣髮鬣來仙家南方
有漏天鍊石遺皇媧何不搏此土以之少補苴神仙太

讀白華古堂詩

初集卷一

十

忘世藥竈空搜爬求之渺難覩巖洞紛山花

緣磴攀藤蘿磴仄苔更滑蛇盤一徑行復覩真靈窟金
鐘紐不落石磨盤畧凸頗疑石敢當頂山觸成穴佛跡
不可窺仙蹤當未歇往時天馬樵

先兄伍雲號天馬山樵

來此不

着鞵坐地飛千觥掃墨何突兀至今爲靈鬼精氣豈消
竭魂兮倘歸來長嘯此山月

憶舊遊

索米金門不易償空憐大隱學東方詩人硯北雙藤架
海波寺西街故相城南萬柳堂豪飲樂遊誇竹肉羊皮
朱竹垞舊居馬骨謁侯王春明郭外垂楊影別後應添幾許長

都門

了字簾前蕩畫樯
當中小住最魂銷
門前白塔東西巷
水面紅燈上下潮
涼雨半窗方卧病
秋風幾日又攀條
莫愁湖畔空惆悵
驢背匆匆閱六朝

金陵

秋夜獨坐

寫紙覺霜侵
宵寒獨擁衾
昏燈含睡意
落葉聚秋心
掩卷轉無賴
開樽空復斟
哦詩當夜寂
壁劍忽龍吟

題家香雲

請

蒼厓鐵笛圖

天風浩浩撼崖木
老魑駭走瘦鴉哭
水底雌龍亦變聲
海天幻作無情綠
鐵笛仙人魚白衣
乘雲不共黃鶴飛
冥然獨坐海峯頂
眼看蒼涼天四圍
朱唇入破元霜凍

讀白華草堂詩

初集卷一

十一

古愁譜出梅花弄
初吹但遏月穿雲
再吹已驚猿歸洞
是時衆竅號笙竽
冰厓出舞天吳趨
金支翠旗影飄忽
珠綃雪練光紛紛
忽然一聲山石裂
萬怪須臾紛變滅
天空海闊白茫茫
手捻鞋襪尺八鐵
方冬十月海水寒
龍愁鼉憤聲悲酸
懸君此畫當素壁
如向洪濤巨壑看

寄農部林訥斯先生

壬申予奉諱南旋農部以詩送別并呈古琴江

先生迺予星奔抵家越一日琴江暴亾予時讀

禮家山未暇寄書距今三年矣因賦二詩奉懷

代簡

賣賦當年媿自媒，傲車羸馬客金臺。饑驅但索侏儒米，棄置爭嗤擁腫材。豈有高名如短李，與誰佳興賞官梅。司農下直餘清暇，東閣偏憐爲我開。

不堪念舊話潮州。

琴江官潮州教授

宿艸蕭蕭土一邱，嶺外青

山才鬼葬馬前紅樹，旅人愁歌從易水，難爲別笛到山陽。易感秋最是當時腸，斷句曉風殘月過蘆溝。

詠古

張釋之

謬謬賢郎故自殊，肯違漢法族無辜。上言亦自毋高論，底事君王喜畫夫。

讀白華堂詩

例集卷一

三

鄧都

側目蒼鷹竟伏誅，却教孝景白無辜。雁門守到匈奴避，邊將何人似鄧都。

張湯

磔鼠文成老父驚，是刀筆吏竟公卿。到頭對簿三長史，也被深文鍛鍊成。

龔錯

更令新除三十章，削藩旣變起倉黃。可憐東市朝衣日，太子家猶說智囊。

衛青

衛霍功名竝絕倫，史遷佞幸比諸臣。能容長孺寬翁伯，如大將軍有幾人。

公孫宏

四十傭書六十徵，起家牧豕得公卿。生平一味行恭儉，爲習春秋比晏嬰。

讀五國故事

五千兵號黑雲都，忍詢三年亦丈夫。駭絕廳前閃雙眼，相煩老舅送頭顱。

嫩鬢抽條向別家，打鐘槌已易穉華。淮南一片春如雪，

落過楊花又李花。僞吳

讀白華草堂詩

初集卷一

七

念家山破曲瓏玲，頭白宮人掩淚聽。一片長江天水碧，

羣公難保小朝廷。僞唐

魚米中江割一區，蜀都殷富比吳都。餅師家世雖微賤，

朱五經兒敢傲無。

青城進謁玉宸君，宮女衣裳盡綵雲。他日風塵翻舊曲，

不堪重唱畫羅裙。

狎客登筵醉復沈，沈宣華苑內月斜臨。重陽菊酒爭諧謔，

惟有嘉王淚滿襟。

朝天萬里路崎嶇，曲子新聲最愴伊。八尺長鞭齊馬足，

青衣江上別健爲。僞蜀

桂水梅關據一方番禹復有夜郎王洛州刺史何堪數
徒坐金根着赭黃

白銀雲母代椒塗殿壁光明蜀錦鋪府庫燔殘歸命日

尙餘四十甕珍珠

偽漢

赴海三龍破敵回巖高潮沒日相催大王騎馬何時歇
曾有山僧識去來

侍臣逃酒每行刑觴政從來斬最輕絕倒相公會不醒
歐刀枕上喚春鶯

十事忠言最慨慷鄰交全不慮錢塘江南尙有無愁主

一例封爲自在王

偽閩

讀白華草堂詩

初集卷一

十四

題家虎巖 炳 似我非我圖

君不見東方三大一至人蛻形天地全我真又不見西
域化人空塵障以身布施無我相儒家釋家徒紛紜有
我無我何足云今吾故吾自我分如露如電亦我聞虎
巖子目短視日在行間論尺咫示我一幅圖虎賁何顏
似好我索我詩我未敢伸紙我不能人人我我如是觀
何以洞他人之肺腑又不能物物我我平等看何以藏
腹中之龍虎作詩我自用法莫笑庾生何莽鹵松石
間意濠梁想我周旋殊媚嫵似我非我軀殼耳論我
我自千古虎巖子跌坐聽我歌古來清風明月我惟

有筮成圖外一東坡百東坡亦昔幻影請將此旨參盤陀

問怨篇

繡閣沈沈鎖鸚鵡香蘭含睇春煙語連朝天氣海棠陰
絮雪絲風蕩何許重籠不罩南浦魂晝欄慘碧愁黃昏
離亭碎蝶脫金粉半臂春衣帖淚痕紅棉絮薄迴嬌汗
鴉兒戲抓金鈴亂花濃柳暗閨闔迷夢帶南雲吹不散
五更油壁鳴輕雷碧雞坊東走馬迴高樓西北望天際
浮塵遮斷黃金臺

湘痕瑟瑟涼煙拖闌干十二低碧荷蓮蓬輕彈打睡鴨

讀白華堂詩

初集卷一

五

海南生結霏香螺篆香已冷心香熱西望峨眉凝古雪
丹砂盆膩守宮塗綠環釵澀蟾蜍齧輕紈扇撲流螢
隔水花魂迷鬼燐蘭房星膽小如豆孤衾錦瑟長於人
幾日紅樺蒸瘴霧羅襦畫篋委殘蠹忽晴忽雨天改常
豈但郎心不如故

西墻水影陰蟲吐花犬信吠東戶鰕鬚不捲犀押沈
玉宇無聲轉河鼓團團紅桂懸古香素娥捧鏡翻斷腸
愁看綠鬢變華髮碧海青天秋漏長金刀鉸斷迴文錦
一夜鴛鴦泣珊瑚枕長生漢瓦怨霜華二十五絃箏柱緊
孤桐半死抱紅心古砌琴絲寫苦吟九江水到鯉魚去

典却來時纏臂金

屏山雪聚行雲歇紙帳輕煙裏花骨香消篆滅寂無人
空階祇有銅仙月瑤琴不暖玉笙凍樓外哀鴻舍楚弄
鞦韆夜靜撲朱絃驚醒西廊鸚鵡夢石闌古水枯金井
銀瓶欲汲愁修綆涓涓壺漏滴紅冰酒冷花迷畫霜餅
條條蠟淚融珊瑚枝心熱心灰待訴誰金盆紅獸泣幽火
骨化形銷君未知

族叔署白河縣尹補堂別駕死事詩

公名

鴉翎鷺服六品冠堂堂男子提心肝許國不必在責守
誓不兩立賊共官官本勇敢亦書生昔日諸羅方用兵

讀白華堂詩

初集卷一

六

投筆渡海請長纓功成大吏上 天子畀汝監州同倅

丞白蓮教匪擾三省大帥連營隴蜀境別駕赴 闕特

上書臣昧死言臣受 國恩臣願肝腦塗 天子曰俞

汝往哉命大司馬畀汝符宣往大營參軍謨大帥喜汝
素忠義興安府有白河縣羣僚委之畏且避汝能無懼

汝其試別駕欣然領印綬生戴吾頭入虎口召募鄉勇

二三百終日搜賊萬山走官膽自粗賊膽碎遣刺設伏

日爲計亂峯巉巖高插天行數十里絕飛鳶別駕一馬

獨當先兩僕騎馬差竝肩鄉勇足駭行不前突來一人

頂磚礮衣短後衣纓曼胡拱手向前揖別駕別駕不虞

中有詐下馬驟出卅餘人箭藥如林競攢射一僕偕苑
一僕逃顛坑仆谷無低高滿山鬼哭狐狸噪天陰雨晦
山之坳三日得尸顏不變指爪透拳血糊面鬚髯張戟
怒决皆生得賊頭日乃閉事聞 朝廷師予祭蔭子及
孫雲騎尉吁嗟別駕報 國恩 國恩厚汝永弗替世
人莫訝別駕起家非科目雖不科目能識字

讀白華草堂詩

初集卷一

十七

讀白華草堂詩初集卷之二 乙亥至丙子

鎮平 黃釗 穀生

北上述懷示仲弟笙調叔弟琴展

北望浮雲動南看旅雁徂此行曾閱歷臨去轉踟躕憶
昨驅中駟爭誇赴上都慈親問歸日老父送前途荔浦
初辭粵楓江又入吳青山尋短簿白水泝長蘆遂向燕
臺息寧知駿骨殊鴻才慙賈誼歧路哭唐衢飛鞚遊邊
塞拏舟到海隅魚龍紛雜沓鸞鳳忽招呼蓮幕新辭侶
藤陰舊暢娛異鄉聯骨肉同調得朋徒正好肝腸熱無
端血淚枯麻鞵奔嶺嶠首杖落江湖隱痛如斯也重遊
讀白華草堂詩 初集卷二 一

敢料乎淒涼營丙舍倉卒困庚呼漫種生煙玉空憐破
霧珠蘭咳仍可採菊徑未全蕪絕意來攀柳寬心坐守
株何因談汗漫變計倏須臾孺慕原難捨人情奈善通
蒼鷹真飽颺瘦馬顧飢驅毛義看持檄終童欲棄襦前
程占喜鵲中夜憶慈烏帆任千回轉筇應寸步扶爲歡
須兩弟釋念慰征夫

儲潭

灘聲如吼阻前津畏路風波仗水神爲祝檣烏歸反哺
不勞辛苦送行人

過十八灘

曉發贛州城秋汛漲江面行盡十八灘怒石伏不見有
如魚復浦埋伏師十萬我舟生門入疾走不與戰貪天
事倖成暗渡策亦善憶昨此經過截江駭組練天山排
劔鐔馬陵伏弩箭灘聲合四圍石路開一綫猿啼鬼亦
愁長年色沮變此行乃安然復借南風便就中大黃公
水路最習慣從容理舫楫歛忽踰雷電落日去已遙見
星行未倦微聞漏鼓聲已過萬安縣

舟行晚泊

天闊江空雁過頻適來晚飯倚船脣初升月似矜嚴女
將定風如淡宕人作苦熱行愁道路聽長干曲訊鄉親
絕憐估客能尋樂篋裏明珠盡大秦

讀白華草堂詩

初集卷二

二

彭蠡湖權歌

月光初出見南湖岸闊潮平穩睡息半夜鯉魚風信起
蘆花被底喚兒夫

大賈高官駕舳艫渠家忍得別羅敷笑郎終日推篷坐
恰似彭郎對小姑

小魚論桶不論斤大魚得錢纔百文賣得魚完糴米煮
飽看廬山飛白雲

湖水清清水渾湖魚吹浪學江豚勸郎莫蹋江心浪
牢記湖頭舊水痕

大姑山 俗名 鞋山

陳王秣駟辭東阿宓妃羅襪誇凌波文人詞賦難徵實
翩鴻想像空吟哦我經彭蠡已三度浮煙過眼空摩挲
匡廬作態障真面半截雲裏湘幫拖江心一峯浮橐駝
大姑離立當旋渦鷗沙雁字隔洲渚僧樓佛閣環坡陀
黃昏琵琶抱商婦侵曉帆鼓催漁婆風鬟霧鬢白出沒
豈愁惡浪翻蛟壘小姑相距百里許如刑與尹爭雙蛾
彭郎棄汝若敝屣偏愛小姑毋乃頗鞵山山名等塵屨
紫袍烏帽夫如何大姑大姑聽我歌朝雲暮雨峯峯多
蘭旌桂旗影動摩爾來珊瑚鳴珂仙人赤脚騎鯨過
讀白華草堂詩 初集卷二 三

江行雜詩

十八灘前路南來第一程亂山圍客夢急峽走江聲竹
箭奔流駛蒲帆盡日行潮平天漸闊已抵吉州城
舊抱終天痛浮雲近七年今宵江上月苦憶峽中船風
雨愁灘路松楸泣墓田何時罷行役丙舍築新阡
未免匡君笑浮生等磨驢又隨彭蠡雁來食武昌魚何
日空塵債名山訪異書萬重嵐翠裏關地構精廬
天闊大江浮星河夜放舟峭帆風不借急浪月爭流客
夢初離枕鴻聲早入秋蒼茫擁衾坐遠岸數汀鷗

兒女情難遣英雄事豈奢大江橫鐵槊中婦抱琵琶醉
酒風猶勁聽歌月易斜青山環幾曲曬網盡漁家

向夕銅鈺鬧船頭賽福回飯殘老鴉散燈動大魚來客
路風初冷離懷霧不開舟人邀我醉一笈玉山隴

九折怒濤奔排山勢欲吞雙蛾開地戒一鳥下天門白
晝竈鼉溟晴空日月翻興亾慨前事設險竟空論

津吏誰能識狂生獨苦吟滔滔六朝水浩浩百年心牛
馬長江走波濤大海音關山增閱歷回首嶺雲深

發蕪湖

夢回帆鼓促揚舲煙雨攔江去不停我是行人歸未得

讀白華草堂詩

初集卷二

四

天涯愁望識舟亭

烏江

止馬河邊濁浪黃烏江回首淚沾裳紛紛功狗歸劉季

祇有烏騅死項王

一曲虞兮涕淚哀空憐叱咤動風雷八千子弟盡沙盡

鬼馬仍馱鬼妾來

江東

神州割據事茫茫天塹從來設險長烏鵲繞枝愁魏帝
蛟龍脫鎖恨蘄王江船有火洪波赤戰鼓無聲落日黃

莫問鍾山今幾姓六朝陵樹晚煙蒼

抵龍江關口阻風

風囊澎江腹激盪出奇力南船墜鐵鹿百尺深莫測昂
首若大魚欲飛不得翼雲頭吸海水勢壓半江黑天龍
露之而幻作水墨色微茫見白塔寒秀媚奇特咫尺金
陵城碣岸不可陟寒蘆作雨聲白鷺自嘿嘿江神若留
人畫本熟肖得哦詩當繪圖持向滄洲憶

謁方正學祠

竟遇鳩鴟變空嗟燕子飛九重催草詔萬死哭麻衣木
末留殘蛻祠門弔落暉溪毛無可薦悵望北山薇

謁海忠介祠

讀白華草堂詩
初集卷一
五
林陵煙樹連岡隅蒼條青葉腴不枯木末亭邊訪秋禡
海公祠宇尤清疎我來振衣上階拜念公遺愛留三吳
白茆黃浦苦淤塞漕糧祿米愁征輸直中丞卽強項令
疏奏濬折民其蘇青蠅亂聲肆讒殄肥田瘦狀民謠誣
是時謝病亦剗切尙條弊政陳嘉謨維公介節皇綱扶
天桃天藥同天書書生蹇諤何其愚不畏斧鑕加刑誅
平黎一策自偉略壯行幼學徵良圖心憂桑梓豈常釋
亦如經畫官南都海南萬里公故廬桃榔雨暗迷村墟
年年寒食盼家祭愁聽西風白下烏

權歌行

一壺值千金笑渠輕且浮看郎有腰纏可似壺盧不船
頭瓜蔓水船尾鯉魚風鯉魚解通信瓜蔓會纏懷

秦淮

盈盈一水擬星河午柱丁簾映綠波桃葉春煙名士漿
楊花香雪叛兒歌烏衣影落憐門巷紅鬼聲銷怨綺羅
怕向高樓聞玉笛莫愁無奈客愁何

雞鳴寺待雪

古愁鬱奇想待雪上空亭酒熱劍心赤山寒詩膽青六
朝無剩瓦一塔自搖鈴凍雀爾何意巡檐縮頸聽

冬夜卽事

讀白華草堂詩

初集卷二

六

鐵馬巡檐戒朔風夢回仍宿梵王宮霜鐘催曉鳥頭白
佛火懸宵鬼眼紅夜果如年寒更闌心原無垢念俱空
擁衾默誦東坡偈天付吾生類轉蓬

夢伍雲兄

華表何時化鶴還尙留塵夢到人間天台雁蕩尋詩侶
合是西冷陸講山

臺城篇

鹿子開城門狗子升帳殿且至馬中間老佛親眼見老
佛見悲不見喜浮圖未成刀兵起蔬茹斷盡啖雞子荷
荷荷竟渴蜜死東堂憎見蕭老公跛兒亦自非英雄鮮

卑小兒能亢宗可憐擁衆梁湘東

金陵訪古

捨宅鍾山作道場髮憎充隱亦何妨白鹽赤米能料理
豈有移文到草堂

劫火燒殘剩佛鐙興亡難問六朝僧抱雞走犬須臾事
誰說江南事可憑

野曠天低一望寬練光亭子最高寒繁華散後鐘魚歇
砂礫沈埋舊瓦官

諸陵無主草蕭蕭寒食誰將酒榼澆剩有半山憑弔處
空場老雉挾春騎

讀白華草堂詩

初集卷二

七

板橋春望

幾曲青溪長板橋江南能使各魂銷酒旗隱隱低紅檻
歌板輕輕蕩畫橈楊柳棲鴉三尺水海棠乳燕一枝簫
御河房畔黃昏月兩岸銀鐙照落潮

清明書感

濕煙如縷雨如麻暗裏閒愁逐漸加故國春光遲燕子
異鄉寒食又梨花丁年歷鹿長爲客子夜啼烏怕憶家
見說右軍曾誓墓羈人何事滯天涯

白門

璧月瓊花倚醉看新詞艷殺孔都官景陽樓下鐘聲動

愁見胭脂出井闌

誰斫君王鏡裏頭春銜燕子入迷樓青山一樣都無想
怪底湖名也莫愁

雞鳴埭

柳老荷荒一水隈石城遺址沒蒿萊雞鳴埭上寒星落
無復君王曉獵來

京邸寓吳鑿庵少宰園林六首却寄仲弟笙調叔

弟琴辰

小住紅塵裏應憐水竹居穿簾還有燕彈鋏豈無魚城
市聲難到江湖夢不疎日來何所事細勘上清書

讀白華草堂詩

初集卷二

八

殿珠朴石渠寶笈

亭榭圖書富琳瑯恣意探紗幘深避蠹繭紙細眠蠶池

小客金鯽園多種玉簪不知微雨過庭樹綠煙含

攷据徵餘事吟哦侈雋才且看今軾轍

美存宮詹論齋中翰詎讓

古鄒枚彛器周銅鬲叢書漢玉杯清談皆博物臣本出

蒿萊

馬齒慙余長猪肝累主賢文誰薦揚者醉亦復陶然過

夏談星術

淪齋精於星術

沽春費月錢頗聞居不易難得此安

周北張南宅重尋路不迷斜街分上下古廟隔東西

何時

仙樓帥白小山先生同住
上許清顏魯輿注下斜街
舊迹畱鴻雪新巢補燕泥小

園誰作賦文館有榮黎

官燭談詩夜銀瓶索酒時
因開羊仲徑得傍馬融帷同寓

張季二生為美
在宮晉門人果羨蘋婆熟花憐菊婢遲
南鴻應見憶

秋夕此相思

雜詩

仙人擁絳節值我東海隅
許我有仙骨齒白昏復朱
飲我三危露佩我五岳圖
玉尺量我手銖衣被我軀
囑我堅道力勿以塵劫殊
引我拜眾仙投贈多靈珠
罡風海上來失脚踏泥塗
閉門日鍊丹純火回陽爐
採藥更從

讀白華草堂詩
初集卷二

帥相期到蓬壺

神魚乘紫霧仙鶴翔丹霄
江干一白鷺孤鳴傷寂寥
寂寥亦何傷顧影憐風標
仰慙燕雀笑俯恥龜鰕驕
一朝去沙渚素羽何條條
瓊島戲煙雨滄洲嚙陵苔
漁歌不足唱高吟天上謠

美人在江渚蕙帶芙蓉裳
翠羅作帷幕製菊為枕囊
白愛顏色好流盼生輝光
昨逢貴公子贈以雙珠璫
為言有廣廈複壁兼重廊
黃金作庭柱白玉為堵墻
迷離透綺疏曲折通璇房
綢繆得長久富貴大吉昌
感君垂盼意肺附何能忘
願效雙鸞鳳羞為野鴛鴦

題顏亦樵

德臨

蓮海歸真遺照

三十三年夢覺無風花樓閣總模糊今朝拂袖歸蓬島
遺下真形五岳圖

迎葉因緣度化城飄然一笠御風行多生許免輪迴劫
合向魚山悟梵聲

送劉心香先生出都

雪鴻海鶴記前因曾是滄桑劫後身雞肋已教嘗宦味
馬蹄應悔踏香塵山中桂樹初歸客觀裏桃花再到人
手種甘棠遍南國不妨徑去醉湖濱

叱石成羊本幻觀舊游嶺嶠認郎官原知上界爲仙易

讀日華草堂詩

初集卷二

十

可奈人間作吏難咫尺蓬山微有雪蒼茫宦海屢生瀾
先生一笑師巢父自斫珊瑚作釣竿

哭林兀佳師

兀岸平生氣連遘直數奇寸心傷馬骨衆口詠蛾眉禮
法門終峻文章世久知遺書歸後死手澤不勝悲

秋感

十載蹉跎事可歎敝車羸馬客長安謀生計拙求官怠
賣賦人多索米難飲水自來甘建業熟梁何日醒邯鄲
浮生總被浮名悞惟有神仙斂手看

米以薪桂忍調飢誰念窮交獨贈緜人再來如羸政客

僕求去似買臣妻功名縱屈埋頭螻文采難潛斷尾鷄
自笑天涯孤燕子春風仍覓舊巢棲

賦擬凌雲氣吐虹登場面目異冬烘軒中鶴笑貲郎貴
屋上烏疑寓主窮豪士大言逾宋玉丈夫小技薄揚雄
少年自詡驪駟筆凡馬常思一洗空

苦述虛談不朽名難除結習是生成奇文敢以儒爲戲
吳義聊從鬼共爭技似棘猴真絕巧理惟木雁不能鳴
客來頗厭談繩尺我法還畱我性情

病懷懶看廣陵濤閉戶仍將寸管操人鄙豈真緣食肉
文疵難望不吹毛書空無事常稱怪痛飲何須更讀騷
莫怨塵埃少眞賞千金買骨價原高

讀白華堂詩

初集卷二

十一

三十年華似水流難禁中夜不牢愁肥瘠骨相慙青眼
資格公卿恐白頭南北名場空逐鹿春秋家祭泣椎牛
小人有母思將母何日能爲菽水謀

長椿寺哭家敬之先生訃

寒松百丈挺孤根鐵面閻羅氣節尊一第蹉跎文學彥
半生清介考功孫先生祖澹溪公官吏部考功員外郎空傳孝筭生廬墓
祇見狂鴉立寢門客邸竟難爲位哭獨來古寺與招魂

題碧血錄

二十四罪疏擊璫童昏顛倒迷奸良六君子盡入黑獄

十孩兒乃蟠朝堂刑餘專國古亦有熏天烈燄無此張
糊猴虎彪布牙爪殺人媚人何肺腸許之狠毒本尾蠍
馮乃陰噬同肉狼冠紳甘心戕同類曷怪昏椽爲披猖
淋漓血肉備五毒陰霾天日無三光可憐數君碧血碧
果應六瓣黃芝黃吁嗟燕客奇男子出入狴犴能遁藏
龍尾不見隱姓氏虎口得脫疑逋匹恨不入山求劍術
取賊臣頭盛革囊人頭未落落人臂明社頃刻成崩墻

題天水冰山錄

鈴山堂側短檠棄忠弼第前賜銀記金絲幕罩驕子眠
水精燈擁妖姬睡銅山金谷何足言萼山老奴嘆應門

讀白華宮堂詩

詞集卷二

十二

文武管家數方萬萬百千億難計論山高巖巖千夫指
嘉靖家盡詎知此招寶全輪尙寶卿遺臭皆因乳臭子
春雷無聲氣鬱蒸應龍徐徐階下升一聲霹靂小兒墜
俄頃已見冰山崩用物精多亦天意待罪時年八十四
歸來負却香葉冠角巾太少蕭閒致官司造冊點紛紛
垂死方知象齒焚至尊已用扶鸞語閣老空畱召鶴文

落葉

清晨鹿跡冷蒼苔殘穉紛紛捲作堆萬點烏鴉盤陣起
四山風雨逼秋來看如老將成功退悟到高僧解脫回
刪盡繁蕪存質幹不應枯槁比寒灰

月滿空山亂打門絕無人跡有聲喧文章境已歸平淡
天地心應見本根長日著書惟學道暫時對酒亦忘言
寒龕夢覺青燈暗知在江南第幾村

水墨蕭穆老筆適畫家酷似李營邱江湖一白浮漁艇
煙月空青見寺樓倦客晚來宜望遠枯禪定後不驚秋
天公收拾林巒淨要放梅花出一頭

西風一夕促揚舫楚客離思滿洞庭千古風騷愁失聲
百年耆舊感凋零梢間鳥解翻身救窗裏人偏側耳聽
聞道陽和真有力暗中迴到樹頭青

題戲蝶圖

讀白華草堂詩

初集卷二

三

鳳子交飛醉綠雲冶情如夢復如薰眼前振觸消魂事
曾簇金泥上翠裙

扇影衣香四月餘南園相撲問何如鉛華洗後風懷淡
閒伴莊生著化書

滑縣令強忠烈殉難詩

千百小兒窠裏鬧妖黨演成八卦教草蛇灰線一道牽
掃帚星凸出刀鞘縣官赤手來捕蛇賊徒聚穴如妖墓
幕頓未動蛇足斷漫天毒霧全城遮吾言不用旤果烈
誰其尸者罪可磔燎原火勢不可嚮三省毗連起芭薩
覆巢之下二卵完天眼獨碧悲臣丹赤心一寸烏境噉

紅肉千片芙蓉般風酸月苦愁雲黓貞鬼啼紅訴奇慘

忠烈家婦貞烈淑人罵賊不屈賊僞割之死最慘

九十六日陰靈開忠魂披髮

天閨遇

滑縣之變先有羣兒掘地作坎以蘆管吹之使泥沙旋舞名曰窠裏鬧又有童謠云看汝鬧鬧

得過九十六日方是好漢及滑縣平果九十六日

詠懷

簞瓢勝鼎俎仁義逾膏粱節士羞苟得藜藿充飢腸不
聞丹山穴有鳥名鳳皇羽翼挾信義胸臆摘文章一鳴
聲賀世再鳴叶歸昌桐花作棲息竹實爲餼糧倘飢不
擇粒亦祇雞鶩行彼雞尙能廉儒者慎自防

雷霆擊庭柱君子亟省躬戒慎與恐懼幽獨持寸衷九

讀白華草堂詩

初集卷二

一四

死何足畏但畏欺天公我有三寸劍性水淬成鋒豈惟
伏魑魅直以攫蛟龍洪濤排山來扁舟當其衝大風復
橫截捲浪落船篷危坐念平生微命非飄蓬

黃雲起塞上太行增暮寒念昔同征人悲歌行路難行
路亦何難所難謀一餐畏途本曲折世路尤嶮岼互陰
肅霜霰咨子衣裳單誰爲綈袍贈感激中沈瀾男兒負
七尺熱血浴心肝願言奉知已盛以赤玉盤

出門亦有思所思在深閨結禱十四年季女愁斯飢暮
入勤紡績朝出攜鋤犁食貧原自甘但苦有別離柔蘭
旣生萋弱柳亦生稊別離顧何戀老母白髮垂浮雲本

富貴無奈愚者追有母未能養乃以委荆妻輾轉不能
寐喔喔天雞啼

讀白華草堂詩

初集卷二

七

讀白華草堂詩初集卷三

丁丑

鎮平 黃釗 穀生

寓樓晴望

晃眼看朝霽樓牕四面開
荒田鴉啄雪古道馬馱煤
作客亦云久寄書殊未來
西山還笑我負却故鄉梅

晚過長椿寺

門前咫尺卽招提飯後時常一
過之僧有俗情談熟宦
客懷古意讀殘碑空堂服翼飛
如鼠老樹垂髯立似巖
誰與衆生來說法草蟲微咽舊臺基

重過長椿寺瞻菩薩聖像

讀白華草堂詩

初集卷三

余前日瞻菩薩聖像乃蔣心餘先生重裝因取

忠雅堂集覽之其詩似專指孝定李太后隨作
長句一篇後閱周在浚燕舟客語載長椿寺大

殿旁小室內藏佛像十餘軸中二軸黃綾裝裱

與他軸異展視之一繪九朶青蓮花捧一牌題

曰九蓮菩薩之位明神宗母李太后也一繪女

像具天人姿戴毘盧帽衣紅錦袈裟題菩薩號

下注崇禎庚辰年恭繪烈皇生母孝純劉太后

也余前日所瞻殆非九蓮實孝純也因重過長

椿寺詢寺僧則云僅此一軸又疑軸內無下注

崇禎庚辰年恭繪字樣恐皆贗手重繪而寺僧
更換十餘代更不知菩薩爲誰何矣

菩薩聖像存不存藏園所得疑傳聞黃綾裝裱有二軸
燕丹客話徵遺文青蓮九朶乃孝定其一裝束真人
紅錦袈裟菩薩號戴毘盧帽莊嚴身烈皇生母諡孝純
崇禎年繪當庚辰昨來瞻像鬢鬢是但無注記難討論
此像縱在應非真當時法駕迎午門六宮皆泣帝雨泣
畫工指示空摹神老宮婢視尙難審何年寶相開金輪
神州爾時已陸沈三輔劫火飛沙塵至尊輟食后妃泣
菩薩淚眼同酸辛爲我語帝母過苦夢中此外何所云
讀白華草堂詩

初集卷二

二

佛力慈悲難殺賊坐令社屋荒荆榛蓮花座前象力困
海棠樹下龍髯攀王母功德亦何有

謂孝定

寺中香火幾

同湮滄桑兵燹二百載重來訪古知無因文人尙稱李
后像比邱但誇菩薩尊殘縑半斷金粉脫膺手重繪空
續繡梨花寂寂寺門閉西山却憶娘娘墳

二月初二夜夢敬之先生志痛

生別我難畱死別子誰送嗚呼我於子不及撫棺慟得
書腸已裂蒼書腹更痛我胡不少畱少畱亦何用子年
望五十德器本端重飲食亦善調札瘥詎能中我爲萬
里行孑身寡親從行亦卽歸耳正好朝夕共胡天不整

遺折我屋之棟早麥雖及收晚稻且未種頗聞易簣時
室內仍屢空我雷固無益或可視含貽此緣何太慳此
恨向誰控九天虎豹關九地鬼幽洞顏色不可親魂魄
來入夢

我家大河曲舊有長隄恃楊柳垂蔭千百鹽船艤往

年逢水災隄決至壩尾築復需萬金此費誰經始維時

善籌災趙公賢刺史

趙名康同官人

問隄決之由乃責舟人子

輸費築復隄著令勿停止近來狙詐徒損人以肥己利
或致鯨吞舟竟同繩徙子也訴長官經歲始得理羣狙
最叵信歸鼠復多技竊恐吾子歿此輩復橫矣昨夜來

讀白華草堂詩

初集卷二

三

夢中顏色似歡喜我因急叩之子云無慮此我心亦覺
安不謂乃夢耳覺來天未明鄰鷄啼不已安得吾子生
金隄衛桑梓

桃花

一片紅英落墓門仙符咒總空論花溪枉記前幫影
苔井難尋步屐痕酒渴清明誰破笑粥香寒食黯銷魂
瑤池一去無消息青鳥飛來不肯言

舊傍青谿竹外居相逢記是燕來初圖中艷雪思名馬
江上濃波趁鱖魚倩汝低鬟歌舊曲呢人臨水讀家書
如何爛漫開無主照影空憐碧鏡虛

天寧寺塔歌

般若寺中紫光起普六茹堅作天子一囊舍利何方來
九州學校同時毀幽州古塔雄岩堯二十七丈高復高
傳聞石函乍安置碣石山根恒動搖開山龍象鞭神力
獅座居然鎮鼇極想當工匠執役時邪許聲中苦長日
開皇締造幾太平身崇儉嗇寬徭征如何天性不悅學
獨信釋氏裁儒生佛書識緯增誣飾鬼仙禽獸俱荒忽
高僧傳裏續奇聞三十三枚剃刀出塔鈴萬個搖丁當
大野風沙折白楊迷樓螢火彌山谷不放阿儺舍利光

小病偶占一首

讀白圭查堂詩

祝集卷二

四

空齋小病著吟身隔斷通衢十丈塵靜對藥香如益友
飽看書卷當佳人雞蟲得失何須較針芥機緣自有因
多感良朋垂砭意不教無益費精神余以耽吟屢
爲魯輿所規

三月十六日李十一職方

酒

生辰賦長句簡之

男兒三十未卿相起舞中宵聽雞唱男兒三十尙饑驅
可憐局促真轅駒君年長我四百日舊紙同鑽未得出
我今爲養亦爲貧君已讀書兼讀律初生乳虎氣食生
廿年磨折氣轉適人生不朽自有在艸頭朝露非所求
君不見石崇王愷豪奴耳李志曹蜍何足齒立身須占
千百年合眼可無萬餘子長安三月桃李開朝 天油

壁聲如雷兵曹乞假得閒放幕古直上黃金臺當時燕
昭安在哉春雲碣石空徘徊我方搔首思龍媒千金上
壽不可得誰當醉子葡萄醅

都中自春至夏不雨而旱風間作

塵沙眯眼障晴空孤負春遊控玉驄燕地花如貧女瘦
幽州風是大王雄耕桑本自關民計旱暵頻聞厓 帝
衷爲語萍翳須起雨秋成佇望奏年豐

梨園伎

燈月未上華筵開飛車駿馬梨園來梨園子弟顏如玉
藏在車箱當金屋翩翩同上酒家樓喚作相公教度曲
讀白華草堂詩 初集卷二 五
一曲未終已絕倒狎客滿筵都叫好起來勸酒太匆匆
耳畔低聲賣天姣纏頭到手向何處脫去翩然似狡兔
酣呼吮飲正紛紛擲牝黃金還不悟酒闌燈炏起身歸
雪花如席滿街飛街頭恰遇搖鈴卒黎面冰鬚凍折骨
一錢肯作天魔舞笑問官人可值得

方丈僧

參天松檜開精藍鐘魚方丈同朝參蒲團執拂大模樣
跌坐合掌稱和南借問上人舊鄉貫當今大老論親串
親王隔月來進香中堂前日曾畱飯扇頭書畫壁間詩
名士詞林盡故知生平眼界非凡大蘇州杭州皆走過

京中此輩絕風騷想見禪門學問高君不見西方之書
無不讀一部搢紳還爛熟

望雨戲作

乖龍如穉童頑懶不悅學雷公似蒙師威怒震磅礪鞭
之始欠伸冷泠聲間作書非有意讀終覺氣微弱雷收
雨亦歇四顧空虛霽負郭百萬田微潤久焦涸農氓望
眼穿不殖勢將落汝龍何太慵嶄然負頭角吾當訴雷
公努力加敲撲不然割龍耳猶勝抱佛脚

健兒行

大雪壓兜鍪軍門夜唱籌健兒呼不醒醉枕血骷髏

讀白華草堂詩

初集卷二

六

俠客行

無地洩恩讐相逢已白頭滿腔盛熱血贈子釁吳鉤

亢旱行

土焦石爛麒麟死赤地騰煙灼千里雷公無力召飛符
驕龍竟抗玉皇旨祝融煽威旱魃喜牽牛飲牛見河底
枯魚泣珠光索索低田無麥困無米雪山鸚鵡待開言
淨瓶滿貯楊枝水

題汪少海

仲洋

出棧圖

讀君出棧集造化忌雕剜豈謂詩中險仍從畫裏看鴻
荒開手筆奇境拓心肝勒馬回首雲濤噴百盤

雜詩

觀人在小節所見毋乃拘豈知心術分衡鑒良不誣劇
圃得遺金拾之何遽汚想當側睨時隱然一貪夫春秋
首誅意不聞有非辜爲利令智昏何事不敢圖賢哉管
遼東早拒華子魚

我有秦時鏡照見人心肝懸之素壁間中夜膽忽寒思
尺見魑魅醜態何嬾姍皎然月千里隱現煙一團邪正
不並立疾惡胡能寬因彼醜齷形使我廢寢餐旁有慧
眼人授我藥一丸謂我太察察速禍恐無端毀鏡伸作
刀閉眼勿復看

讀白華草堂詩

初集卷二

七

向聞葉子高所好非真龍當時已嘲笑賞識皆凡庸燕
昭市駿骨豈復能追風何以華陽館名士如景從良由
意腕摯非借術牢籠丈夫抱奇節吐氣如長虹一朝遇
知已熱血填心胸卑哉孟嘗君狗盜儕英雄

立秋日登見山樓因憶去秋亦樵西樵小巖小鐵
質守共聯詩課忽已一載亦樵於去冬病逝西
樵小巖小鐵皆已出都惟余與質守昕夕相對
歎逝傷離率成一律

此月足可惜哀蠟催上樓停雲官舍渺

西樵在遷安小巖在真州小鐵

在濼
斜日續宮秋
亦樵寄居長留字
與子共懷抱何人重唱酬

傷離更傷逝相對不勝愁

余近頗懷秋善愁魯輿以詩相勸作此奉答

今古茫茫盡一杯短歌無故掇憂來吾儕豪氣何曾減
天地秋聲自可哀鬣憤龍愁聞鼓角雲黃沙暗沒蒿萊
安仁別有無窮感不爲星星兩鬢催

壘前韻奉酬蔡師山

奎壬

見和之作卽以奉贈

吾愛蔡夫子耽書嬾下樓心空僧入定貌古樹當秋酒
每連筒飲詩能任筆酬蛩吟應見笑何事只言愁

藤花館卽事用魯輿見示原韻

忘形交許任天真難得緇塵寄此身曼倩有書容罵鬼

讀白華草堂詩

初集卷三

八

令升無事好搜神

魯輿近讀
太平廣記

客中綺思花撩眼天外狂

談酒入脣不道西園賓從減館餐畱住倦遊人

秋日漫興

黃色上牆蒿驚秋首自搔風聲圍樹急雲勢簇山高舊
事思紈扇新寒感布袍羈懷真嬾散空負廣陵濤
作客非王粲登樓漫愴神丹楓醺酒客白堦禮詩人此
境不寒瘦吾生寧賤貧門生來問字爛醉及花辰

棄婦詞

結髮爲夫婦恩愛同生死在鳥爲比翼在樹爲連理妾
心千轉絲將郎果在裏郎疑妾心如棄妾將不齒郎心

本愛妾偶爲新人牽妾心專爲郎中道遭棄捐河魚煎
作膠投之濁水中妾心不自明羞見姑與翁

解我耳邊珠脫我身上襦不能見郎面含淚別小姑小
姑苦挽畱謂待郎意轉郎今實憎妾竟日廢餐飯妾雖
願事郎但恐刺郎眼妾心如白水此盟可不寒郎對小
姑言水亦有波瀾波瀾愁反覆無言淚相續覆水不可
收棄婦不可畱願郎保青春妾自吟白頭

始皇

詩書燔盡燭餘威一炬咸陽烈焰隨到底天心仍未厭
燒棺還遣牧羊兒

讀白華草堂詩

初集卷三

九

宣武門外道場祭幽歌

九衢無塵市聲靜千盞蓮燈關鬼境生人圍看如堵牆
往日法場今道場高臺施食列饅首昨已無頭今有口
高僧誦誦誦有詞幡竿歛動陰風吹萬衆無聲鬼屏息
苦月悽涼漸昏黑忽聞攘臂聲大譁塵羹土飯兜泥沙
是人非人皆菜色餓鬼叢中攫鬼食強鬼手強得飽餐
散去攪作旋風團弱鬼手弱一無得倚牆傍壁空飲泣
高僧眼閉不復開爾曹饑餓何有哉不見噉中官散粥
吏豪醉飽饑民哭

北郭

北郭田多曠，西山嶺自連。
斷虹攔暮雨，一鶴破秋煙。
金碧自然畫，水雲無盡天。
紅塵高十丈，愛此地幽偏。

古意

雨歇蓮葉蟲，雨來蓮葉沈。
與郎似蓮子，剖開纔見心。
寧作九孔針，不作雙尾翦。
針還引線穿，翦竟鉸絲斷。
不愛茶蘼霜，不愛芙蓉粉。
一盆種合懽，一盆樹蠲忿。

送妹婿鍾望子歸博羅

四百峯頭一雁歸，七千里外尺魚違。
送君行日舟車穩，歎我年時去住非。
京國緇塵勞贈策，高堂白髮念縫衣。
相煩代作平安語，別後依然舊帶圍。

讀白華堂詩

初集卷三

十

到日歸帆過廣州，牂牁秋畫入扁舟。
紅霞收雨拖魚尾，白浪如山下虎頭。
回首片雲留碣石，相思圓月定羅浮。
風塵煙水都無暇，一樣情懷兩地愁。

小園

蛛網當門結踈籬，一徑斜秋蟲欺病葉。
孤客呢寒花物態，原相倚吾生。
未有涯夕陽偏戀戀，回照入臆紗。

天末

山氣忽然合碧雲，招不來秋心在高樹。
古色冷金臺歸鳥，吾真羨鳴笳爾。
亦哀無窮天末思，豈待暮鐘催。

羈愁

薄暮林鴉作隊還霜楓明處夕陽殷無窮弔古傷今思
不盡荒煙蔓艸間僧舍招魂棲白骨女牆窺影立青山
百端併作羈愁集怕見蛾眉月一彎

亦樵旅櫬南歸同魯輿至長椿寺殯宮詩以祝之
蛟龍最無情魂魄况久弱君今隨風飄來去應非昨江
流阻且深狎浪鯨魚惡從前謫仙人好險偶失脚君魂
須善藏吾夢亦免噩莫唱鮑家詩恐致風濤作

荒村有白楊古墓多於屋

荒村古墓多於屋亦樵集中句

昔君行吟地

鬼火聚山麓今君旅櫬歸牛眠河處卜生前擾擾塵補

瘡空挖肉逝水痛華年酸風號宰木春郊胡蝶飛秋塚

讀白華草堂詩

初集卷二

十一

狐狸宿魂兮莫出山多恐歧路哭

贈王魯之

懷會

緱山王子晉問說是前身一見欣携手清談迴絕塵道
心翦花葉仙夢切星辰莫向旁門悟蓬萊正好春

卽景寫懷

顛雷逐殘日雨脚如懸絲天光仰面看黃海鋪玻璃崩
濤倏洶涌疾颺捲茅茨窗櫺盡搖動籤架齊翻飛我時
坐小室如魚藏水溜半空亂荇藻檜柏紛傾欹竹瓦一
聲裂荷珠千點隨凝視念方寂傾聽神已馳洞庭及彭
蠡巨浸浩無涯長橋暗煙水萬艇浮鳥鷺湖光吸雲氣

入龍尾倒垂紛紛落銀槍隱隱來金支風濤信浩蕩舊
夢成迷離真心思六合嗒然意若癡何常臥孤蓬江上
看虹霓

魯輿三十生辰詩以頌之

其前羅浮見日島乃在飛雲嶺上層三更海潮忽變紫
天難叫出雙銅鉦千門萬戶酣曉夢有客來睹朱霞升
朱霞亭亭湧日輪馳送有脚之陽春人生三十仕天恩
譬如初日含陽精行空莫遣纖雲翳煦物要並祥飈迎
傅霖召雨本家業子也繼起逢 昌辰卽今文學列侍

從行見經濟敷蒼生吾鄉近頗乏朝貴子門獨盛多簪

讀白華草堂詩

初集卷三

士

纓尚書退居羅浮下洞天福地開赤明誰言桑榆近晚
景且看若木輝朝暘天門誅蕩銅龍鳴六螭五鳳朝太
清珊瑚挂網向瑤島虹蜺秉節迴蓬瀛文章報 國忠
孝事所期於子惟令名笑余瞠後似夸父荷杖但逐麒
麟行

讀晉書偶詠

王衍尙清談自許達名理絕口不言錢似勝阿戎鄙何
期致三公尸位良足耻謬云無宦情坐令壞綱紀方思
營窟生卒致排牆死牆實窟竟虛比悟亦晚矣吁嗟復
吁嗟此輩皆名士

何曾爲宰相僭侈已習慣日食費萬錢子乃食三萬以
此貽孫謀宜其罹誅譴嵩也太無知謬謂有先見佛慈
不能齋鬼餒望誰薦生無下箸處死併無麥飯

陶公有經濟深慮宏遠圖惜陰運甓戒荒毀擣蒲竹
頭及木屑得用皆早儲近方葛亮駕遠過陸抗徒如何
存褊衷擁兵坐踟躕藉非太真言臣節其虧乎事君矢
無二爲國甘捐軀烈哉十忠貞所以爲丈夫

吾愛溫忠武慷慨負奇節保障當西陲勤王赴北闕灑
泣獨登舟大義自申說吁嗟討賊功斯人最爲烈英雄
氣本豪兒女情亦黠鏡臺窺老奴風流笑奇譎

讀白華堂詩

初集卷二

三

處士盜虛聲殷浩實可鄙屏居至十年屢徵且不起可

晒王

諫謝

愚常以管葛擬出山負蒼生落壑慚名士

一蹶不復振咄咄真怪矣我思庾江州此公真知已束
之高閣中位置乃得耳

謝公隱東山本非遺世者出處關蒼生憂樂繫天下中
年以後情絲竹自陶寫雖云近放達要自異游冶大臣
器寬舒名士意瀟灑琅邪王茂宏何足方大雅

華莘王內史書名掩經濟兩遺殷浩書熟料安危計可

惜豎子庸身敗國亦敝公知不可爲自結林泉契懷抱

託下枝筍而空一世白將蘭亭竹警彼淮南桂燕雀已

高鶯鴻羽尚沉滯書卷歸去來終焉遂初志

余以耽吟屢舉業魯輿常以此規余矢以得詩百篇後今歲當不復作忽忽秋深而債仍未了魯輿期以九月朔日爲余戒詩因念菊花開時不可無詩而戒限已促姑先借題抒詠詞意皆無倫次聊以足百篇之數云爾

蒹葭一劒走風塵低首陰符術未神自笑名心太癡絕願將卿相換詩人

一年清課百篇詩未了須償莫負之籬畔有花傳葉語向儂賒取落英詞

讀白華草堂詩

初集卷二

十四

香艸文章屬楚騷紉蘭搴芷太無聊何妨借汝思公子紫蠟黃橙慰寂寥

長椿寺裏花千本吟寫閒遊記舊年今日街頭看蓓蕾一叢初放雁來天

苦憶當年病婦容銀鐙背影怯西風醬寒蝶瘦看如許

墓艸蕭蕭共一叢

余先聘蕭氏女年十三病瘵蕭僑寓浙江嘉善城內余家吳下來就醫匝

月歿後先君函其骨歸葬今十八年矣

不堪離別蹙雙蛾獨對秋花喚奈何縱向枕囊醒客夢

寒香較少淚痕多

別時曾人詩菊沈一貝

京國緇塵掃不清風沙竅竅撲疎櫺水仙配食何人薦

一盞寒泉貯膽瓶

琴尊茗碗送秋光客裏情懷浣俗腸我使無花也瀟灑

秋簾相對搜東陽

謂寒日

懺除綺語屢相規從此耽書少作詩側耳秋蟲聲亦欲

四山落葉似寒時

八道林辛山 臨桂 孝廉珠江鼓棹圖

記得珠光里鼉更伏枕中月華烏鵲樹潮信鯉魚風十

載夢魂隔相思煙水空誰携圖一幅翦浪駛孤篷

花月春江夜翻嫌畫不如中流急簫管大筆舞龍魚我

亦狂吟者詞來弔堊諸回頭看鄉樹雲水迥愁予

讀白香山詩 明末卷二

十五

松蘿菴拜楊忠愍公像

九天虎豹當關蹲平陽散髮招公魂園扉碧血滲階石

華表大鳥號祠門祠門日落蒼煙昏啞啞烏鵲不敢喧

孤臣遺恨在史冊過客灑淚沾衣巾彼賊除公患養虎

惟公絕筆如獲麟中間年譜皆可按乙卯之際同甲寅

爾時慘獄若平反當借公手旋乾坤葫蘆釀成合歡酒

醉倒天下酣陽春 乾隆初有人于虎坊橋購一葫蘆上

帶嘉靖己酉秋九 刻釀成四海合歡酒願與蒼生同醉

日保古三十五 字望讓自應司出納辨樂豈止同俗倫

鈞天入夢何太幻廟堂空見金鐘陳一鸞肆惡足相困

九鶴翔舞知何因有明養士意良厚議禮大獄嗟煩冤

雖然庭杖及遠謫要未斷脰戕其身自從賊高肆搏噬
遂啟閭豎紛爭信忠良刈殺禍始此元氣斷喪斯無存
驚沙捲地風拔木蒿柱轉眼成灰塵覆巢之難古不免
空遺舊宅貞松筠吁嗟乎律呂廢缺金石湮生靈塗炭
悲中原彼蒼亦欲置公死庸君奸相安足論

歲暮感懷

囊空屢歎酒無錢冷坐惟餘舊日氈書劄未容干宰相
金銀亦足困神仙時魯輿亦以歲事窘迫相憐但有燈花好增悶
翻嫌爆竹連一事夜深堪喜慰市聲鬧熱是豐年

歲暮懷溫翰初肇江

讀日莖首堂詩

初集卷二

十六

一燈賓館意闌珊梁月何因照別顏雪後思傳千里雁
夢中同看六朝山頗聞孤棹衝寒出或侍高堂趁臈還
我欲訪君仍入畫萬梅花擁一柴關翰初常畫定香亭詩意記得夢中相

訪路萬梅花擁一柴門見奇

寒鐘

隱隱潮音度落伽魚龍拜罷月輪斜
朅來城市醒塵夢何處波濤泊斷槎
龕裏寒僧煨芋火峯頭山鬼護蓮花
吳船有客眠難穩消受清霜感鬢華

寒杓

虛火將殘漏點稀重衾如水客眠遲
遙街夜靜月光涼

虛壁風寒燈影危
村犬有聲嚴設邏
鰥魚無寐久忘疲
九門幾個搖鈴卒
破帽籠頭雪滿髭

寒鈴

劍壁孤光閃閃移
寒宵有客掩重帷
得來書味濃於酒
要人聞情暗若絲
寂滅聲聞形影悟
光明心事鬼神知
元精自有千秋照
不借青藜太乙吹

寒硯

龍尾沉沉蟄九淵
敲冰空裂硯光殘
三冬古水凝金井
五夜枯桑涸石田
紙閣每教烘宿火
筆牀原許割寒氈
玉堂春信爭遲早
相伴蕭齋已廿年

讀白華草堂詩

初集卷二

七

冬夜獨坐懷盛子履

大士

襟靜月無語
檐虛風有稜
思君如古佛
枯坐對寒燈
老眼飽叢帙
冬心涵瘦冰
蕭條賓館意
我亦淡於僧

禁城雪夜

三更冷欲透疎櫺
天際鵝毛攪不停
戶外光寒儻滅燭
街頭聲緊卒搖鈴
撒鹽空擬糝青子
沽酒應須對白丁
不道禁城如此靜
老松殘竹響虛亭

殘臈雪霽後寒甚適子履以江亭消暑圖冊屬題

用東坡聚星堂雪韻

亂鴉攢樹如聚葉
女牆倒壓西山雪
翻令寒士憶炎熇

忽漫披圖詫清絕空亭盡敞柳未荒積潦半乾蘆欲折
火雲烈日同灼蒸水影山光互明滅座中詩虎傾千觴
天際墨龍待一掣當軒翠欲撲睂宇開徑紅爭醉眼纈
此圖渲染本天成弄赭調鉛初不屑鳴蟬咽樹纔幾時
流詢逐影去如瞥毛羽脫盡苦寒號慢膚多汗誰敢說
何當扇笠續此遊差勝被稜冷似鐵

愁來

愁來痛飲讀離騷三十無成首屢搔數頃荒田將出骨
吾鄉佃戶有田皮田骨之語頻年名紙欲生毛家因有累才疑小人

若無求品可高識字畊田慙兩負好携鑿柄束霜毫

讀白晝直堂詩

初集卷二

六

除夕思親作

征衣線憶手縫時三載辭家斗柄移空使高堂勞遠夢
誰憐遊子悞歸期鄉書認押平安印春帖先攤吉利詞
看到歲朝圖畫好白頭扶杖共嬰孺

讀白華草堂詩初集卷二終

册数	8
定价	1200

